

sier Zuan Batistà Malipiero, sier Alvise Sanudo, sier Donado Corner et sier Andrea Badoer; in loco del qual Badoer dopo, hessendo sier Domenego Zorzi amalato, a pregierie di suo fratello lo lassò con la sua galla. Et ha dato il governo di queste a sier Alvise Sanudo; le qual hanno da viver formento per do over tre zorni. Et cussi si partiria.

*Del ditto Proveditor, date a Ligorne adì 24 Zener, ricevute ut supra.* Come, con 7 galle, computà la sua, la sequente notte si aviò per Corsica per andar de primo a la Jaza dove sperava haver vituarie; ma non ave tempo, et andò a Bonifacio, perchè si pol dir quelle galle non esser galle ma arsilli, *excepto* la soa et tre altre sotil che sono assà ben in ordine. Domino Antonio Marcello capitano di le bastarde morite, et il dì sequente sier Marco Antonio Dolfin sopracomito, sichè adì 20 si trovò li senza presidio di vituarie, *solum* un poco di vino la galla Bernardo, la qual apena logà, havendo tempo prospero si convene remurchiar la galla Bemba, et domino Andrea Badoer et la Grimana, qual bastarde sono *totaliter* disarmate per esser infermi et morti assà suso. Fu in uno loco di porto Conte a Sardegna fo sepeliti 266 persone in zorni 27 che vi stetenò, et altrove morti molli di necessità et aere pestifero, et de li 200 fo mandati non ne zonse se non 101; sichè sono scalzi e nudi, ch'è una pietà. Scrive, zonto li ha trovato morti sier Zuan Jacomo Pixani et sier Zuan Vetor Badoer; sichè si provedi.

351 *Copia et sumario di una lettera data in Porto del Conte adì 24 Decembrio 1527, scritta per sier Lorenzo Venier di sier Zuan Andrea nobile su la galla soracomito sier Alvise Sanudo, scritta al prefato suo padre.*

Adì 14 del passado se partissemò da Ligorne con il signor Renzo et fanti 3000, et andasemo a Piombino, et li levassemò fanti 400, et poi andasemo a Porto Hercule per andar in Sicilia; ma vene calivissimo tempo qual durò zorni 13, sichè la vituaria vene a manchar; et con quei tempi et quella vituaria vedendo non poter andar in Sicilia, deliberorno andar in Sardegna. Adì 28 se partissemò de li et andasemo in Corsica a Portovechio, et le galle nostre restorno indrio per fortuna adì primo Decembrio, et avevemo poco pan et non si podevemo mantener con le fantarie, et mandasemo i fanti a Bonifazio per terra perchè il tempo non lassava andar le galle, et fessemo carne et stesemo *cum* carne do o tre dì. Adì

4 andasemo a Bonifazio, et li lassasemo la galla Bernarda per esser mal conditionada de morti et de amaladi. Adì 7 imbarcasemo le fantarie et andasemo in Sardegna a Longo sardo, stando mal di vituaria che tuti credeva morir da fame, pur havendo speranza a piar Castelgenoese; ma si'l tempo durava tristo, grami nui. Desbarcasemo i fanti et loro andò a trovarsi il viver, et là vivessemo di carne, chè non havevemo nè pan nè formento salvo per 8 dì. Adì 13 sorzesemo sotto Castel zenovese et stevemo lì ad aspettar li fanti, et 4 hore avanti di havessemo nova che veniva, et se metessemò a le poste. Venuto il zorno bombardasemo la terra, trati tanti colpi che mi meraveio non li spaventasse, et bombardata da 5 hore metessemò le prove in terra et dismontò li homeni di la nostra armata da 80 per galla, et dismontò il Patron, et se li nostri avesse abuo un puoco de aiuto da li soldati, sariano intrati. Morite assai di una parte et l'altra et morite do di nostri. Zonse la sera et non podessemò prender la terra, et la notte el tempo ge cazò de li et fo forza a partirse et andasemo a la Seneia, et li non è da far carne, et non havevemo vituaria per tre dì benchè la nostra galla haveva per 6. Il magnifico Capitano di le bastarde haveva solevato tutti i Sopracomiti da partirse in ogni modo et andar in Corsica et lassar i galeoti a la ventura, et diceva che'l Provedador haveva menati a morir di fame, et che non è intention di la Illustrissima Signoria che se morisse di fame. Il magnifico mio patron saltò su, et disse che li pareva avanti che lassar sta impresa tutti doveria morir da fame, perchè qui non se reputa il ben di 16 galle ma di tutta Italia, *praecipue* di Venetia, et che se dia star in ogni modo a la impresa, et per condition niuna levarse; et che se non se osservava la promessa al re di Franza, et che caso che tutti volesse andar via: « mi voio restar aziò non si possa dir che non sia galle venetiane. » El clarissimo Provedador disse: « voio anche mi restar, et chi vorà licentia di andar ge la darò. » Et cussi con questo se partissemò de li et andasemo a sorzer, et per ventura i fanti i haveva pigliato una villa da lonzi di la marina 4 over 5 mia dove era assai formento et vini, et li cargassemò formenti su le galle et con masene a man femo la farina et poi fugaze. Poi se partissemò de li et andasemo a Largo, quali tirò assai artellaria, et aspetemo i fanti per combatterla. Tutti benedisce el patron et summamente il magnifico Proveditor, et non fa mai cosa che non domanda conseio a sua magnificentia, perchè se lasavemo la impresa eramo vergognati et per morir da fame,